





第一三五七册

四庫全書

●上海古籍出版社

本冊目次

江湖小集
江湖後集

宋陳起編……………一
宋陳起編……………七一九

欽定四庫全書

集部
江湖小集卷三

詳校官中書臣張姚成

助教臣常循覆勘

覆校官主事臣龔敬身

校對官助教臣胡子襄

膠鋒舉人臣吳之承

欽定四庫全書

集部八

江湖小集

總集類

提要

臣等謹案江湖小集九十五卷舊本題宋陳起編起字宗之錢塘人開書肆於睦親坊亦號陳道人今所傳宋本諸書稱臨安陳道人家開雕者皆所刻也是集所錄凡六十二家洪邁二卷僧紹嵩七卷葉紹翁一卷嚴粲一卷毛珝一卷鄧林一卷胡仲參一卷陳鑒之一卷徐集孫一卷陳允平一卷張至龍一卷杜旌一卷李龔三卷施樞二卷何應龍一卷沈說一卷王同祖一卷陳起一卷吳仲孚一卷劉翼一卷朱繼芳二卷林尚仁一卷陳必復一卷斯植二卷劉過一卷葉茵五卷高似孫一卷教陶孫二卷附詩評朱南杰一卷余觀復一卷王琮一卷劉仙倫一卷黃文雷一

欽定四庫全書

江湖小集
提要

卷姚鏞一卷俞桂三卷薛嵎一卷姜夔一卷
周文璞三卷危稹一卷羅與之二卷趙希樞
一卷黃大受一卷吳汝式一卷趙崇鉶一卷
葛天民一卷張弋一卷鄒登龍一卷吳淵二
卷宋伯仁一卷薛師石一卷附諸跋及墓志
高九萬一卷許棐四卷戴復古四卷利登一
卷李濤一卷樂雷發四卷張蘊斗一卷劉翰
一卷張良臣一卷葛起井一卷武行二卷林
同一卷內惟姚鏞周文璞吳淵許棐四家有
賦及雜文餘皆詩也按方回瀛奎律髓曰寶
慶初史彌遠廢立之際錢塘書肆陳起宗之
能詩凡江湖詩人俱與之善刊江湖集以售
劉潛夫南岳稿亦與焉宗之賦詩有云秋而
梧桐皇子府春風楊柳相公橋本改劉屏山
句也或嫁秋雨春風句為教器之所作言者
併潛夫梅詩論列勞江湖集板二人皆坐罪

而宗之坐流配於是詔禁士大夫作詩紹定
癸巳彌遠死詩禁乃解今此本無劉克莊南
岳稿且彌遠死於紹定六年而此本諸集多
載端平淳祐寶祐紀年反在其後又張端義
貴耳集自稱其晚周晉仙詩載江湖集中而
此本無端義詩又周密齊東野語載寶慶間
李知孝為言官與曾極景建有隙每欲尋釁
以報之適極有春詩云九十日春晴日少一
千年事亂時多刊之江湖集中因復改劉子
翬汴京紀事一聯云秋雨梧桐皇子宅春風
楊柳相公橋以為指巴陵及史丞相及劉潛
夫黃巢戰場詩曰未必朱三能跋扈只緣鄭
五父經綸遂皆指為謗訕同時被累者如教
陶孫周文璞趙師秀及刊詩陳起皆不免焉
案此說與方回所
記小異本詳載是而此本無曾極詩亦無趙
師秀詩且洪邁姜夔皆孝宗時人而邁及吳

淵位皆通顯尤不應列之江湖疑原本殘缺

後人後拾補綴已非陳起之舊矣宋末詩格

卑靡所錄不必盡工然南渡後詩家姓氏不

顯者多賴是書以傳其撫拾之功亦不可沒

也乾隆四十二年二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

江湖小集

四

欽定四庫全書

江湖小集卷一

洪邁野處類稿

宋 陳起 編

余自束髮即喜學詩然隨作隨棄初不留意也甲戌

之春家居卧病因復作詩若干首以自當緩憂之一

物昔人所謂內宣鬱外揚為聲音者是也遂取曩時

所存而未棄者錄為野處類稿二卷鄱陽容齋洪邁

自序

欽定四庫全書

江湖小集

卷一

秋日漫興二首

江湖夕客日思家坐覺微霜上鬢華節序又催秋後雁

風光爭發雨前花倦遊已夢莊生蝶不飲何憂廣客蛇

怪底朝來衣袖薄一川白露下蒹葭

一夕西風木葉飛畫梁落月淡餘輝銀燈夜照還家夢

金剪親裁寄遠衣霜信早隨新雁至素書深訝故人稀

無因為謝東曹掾鱸熟尊香莫便歸

庚戌正月十四日同友人丁晉年王蔚之謁普

照塔

孤墻驚霄漢晴影金碧眩重來得寓目歸枕尾殘汁細
懷何姓人哀禱傾淮甸是身如皎月有水著處現彈指
徧大千何止數鄉縣惟應因緣地聊爾共流轉顛危悔
靳馬善涉悟覓扇君看悔與悟只在一轉眄至人獨何
心示此禍福變當知夙緣定莫作邪道見哀哉衆生愚
積惡稔天遣云何一朝急賴此香火薦我來適燈夕寶
蠟明盛殿還揩客眼塵重覩浮屠面朝來墻上鈴告我

欽定四庫全書

江湖小集

二

風色便平淮一回首岸容失葱蒨

曉過吳縣

舟行有嚴程越國常曉發雙槽兀殘夢起坐窺落月人
家岸野水霧雨籠邃閣遙憶瑣窻人欹枕聽嘔軋

陪餘杭張無隅先生飲

先生結屋在人境門巷蕭蕭作冰冷紛紛入眼不入意
坐客千言不相領叩關聞我倒屣迎重解舊榻塵埃生
向來妙處久不吐一挽天漢崑崙傾共說別來經世事

我言所向皆兒戲胸中硯礪不用澆便有清愁說無地
士林師範六千翁先生合在伯仲中願言終賜指歸處
為君敬作曾南豐

於潛道中

山行厭聲確理策扶猷危綠野三兩家一息知可期冉
冉青林端炊烟裊晴暉其民豐且樂恐是太古遺那知
都邑間百索困鞭笞繁華今何有半作道旁羸

度芙蓉嶺

欽定四庫全書

江湖小集

三

幽泉端為誰放溜雜琴筑山深春未老泛泛浪蕊馥娟
娟菖蒲花可玩不可觸靈根盤翠崖老作蛇蚓蹙寒窠
踏下流濯此塵土足何當餌香節淨洗心眼肉餘功到
方書萬卷不再讀晚歲窮名山靈苗縱穿斲

信州禪月臺上

玉峰點寥廓霄漢疑可梯玉水環城陰灑灑方拍隄層
臺擅二美吾策一時攜何當蠟吾屐更欲照以犀塵勞
不相赦竟類窮途迷我生麋鹿耳不羨駕駱驪向來丘

整懷語發人所詆長安黑頭公玉勒朝金闌山林出戲
言廣已無端倪誰收遮日手歸把耕雨犁紛紛塵土中
等是舞薨難頗聞山水間幽子飯藿藜行當踐此語絕
境同攀躋

送渾師住妙香寺元住雲溪

道人捨幽居誰管溪上雲此身自雲耳遑暇南北分頗
聞妙香山天花雨繽紛宴坐丈室間歷亂舊衲紋山前
路悠悠山後水汙汙應觀川途客念我奔走勤豈無香
臺白社掩前薰

坐睡

坐久睡屢兀手失未了書清風脫然至心醒得我娛起
看孤隙光了不移鐫錄云何短夢中萬境生須臾嗟彼
市朝子百巧營其軀安知非夢役過眼滅無餘至人有
達觀那與世賢愚不須無言子同上崑崙墟

游山光寺

寺藏兩山腹路轉百步陰登高試病脚掬冷清煩襟敗
壁龕石刻歲月不可尋惟應查公石俛仰閱古今屋古
困枝挂摧頽力難任何當咄嗟辦嗣彼鐘梵音興衰豈
關吾得酒且滿斟歸路有溪月攬之醒吾心

送建州徐生

人羈天地間誰非一浮萍泛然偶相值便有離合情君
家武夷下歸路塵眼明我生愛山者夢寐秀色橫秋風
送客去把手更心傾亦逢山中人為我寄此聲

欽定四庫全書

江湖小集

五

贈覺師

覺師儒門秀脫屣世故早那知軒冕味夙悟心已槁唯
餘章句習心境時相惱如人生於齊而即楚鄉老雖遭
楚人咻微音或清好固無益生死亦未妨至道家山亦
何有骯髒衣間窖叢林選佛場一擲想盆倒云何慰故
居俛仰待華皓他年空手歸子語我為老幸分曹溪水
萬劫付一漂

休寧村落間有奇石如彈子渦所出宜養石菖

蒲程得藻許以饋我以詩督之

君家綠溪上岸曲溪成渦渦間石無數水感相盪摩誰
嘗掬而戲一一印指螺我欲往取之擁此菖蒲窠石罅
注新汲幽姿發清哦夫子許餉我往督書已多願言速
寄與起此泉石病

效淵明

人生本無事況我麋鹿姿一墮世網中永與林壑辭此
行獨何事豈不為寒餓弱歲暮古人頗覺世好早那知
齒髮邁終然此心違春風到山澤魚鳥亦知時我行何
日休流目瞻長岐且用陶翁言一觴聊可揮

酬馮退翁見示之什

我家大江左江水日夜東遙瞻發源處乃在西南窮相
望邈異境正北一水通故令我與子迹遠心自同我生
寡所諧強顏紅塵中倦飛矯歸翮饑吟咽寒蛩獨欣得
君子萬慮一笑空時時出秀句醒我如風松當知山澤
癯不鄙犀角豐彈冠實伊始此生各飛蓬卜鄰固未必

欽定四庫全書

江湖小集
卷一

六

卽事聊從容

戲答吳汝能

我生苦中狹與世枘鑿畢平生素心人耿耿不滿懷汝
能伯始後游世如嬰孩相逢握手語便作壘虎諧時時
笑謂我如子患未涯執古以規今求合誠難哉涉世幸
未遠子車尚可回我介足怨忌君通絕嫌猜不見山巨
源雍容居鼎台不見嵇中散絕交自可哀賢愚心自了
短韻共一吟

欽定四庫全書

江湖小集
卷一

七

謁吳公路許借論衡復留一日戲作

幽獨不自得駕言歎齋廬殷勤主人情投轄恐回車轄
亦不須投此去將焉如唯憂酒錢盡使我詩腸枯會合
曾幾何可復自作疎更當留一夕帳中搜異書

新秋

幽人無與娛耳冷百不聞新米熟未知但覺市酒醇滄
洲散秋色山水逾清新一醉不忍獨念我存故人

道中得雨

我行野田間吁嗟連數村千山收宿雨溪作黃梅渾漸
看風葉底一洗龜圻痕餘功被行客稍壓旱塵昏

道中

驕陽久自殺一雨蕩龜圻田夫夢亦好翻隴已幽咽朝
來喜相語一飽心已決翻翻風葉亂娟娟露芒白去年
禾欲秀積潦滿秋澤今年豈堪早束手就溝壑我生拙
謀口藜藿甘如蜜向來真過計憂民豈吾職赤子天可
憐嗟人獨何力何須事兒戲合沓來賀客稍欣新稻熟
欽定四庫全書

江湖小集
卷一

社酒行可寬當同扶路翁醉歸舞南陌

陳伯辨為張氏

前年溪上秋風時主人酒熟烹黃雞歸來醉倒睡便著
父老喚起牛羊蹊此生一醉寧易得未辨身為貴人客
征西將軍爾何人那用尊前驚墮幘渴來聞越再經秋
聞道軒名涎已流懸知得酒推不去此客有轄不須投
今我正為奔走役空想題詩滿高壁若逢落魄姓回人
為問何時定相見

書窓對月

天公自厭雨一夕開寒晴霜風淨曠野鴻落有餘聲饑
鴉得林靜霽月縈窓生熨開睡眼色一洗空花橫故人
千里餘壺濁誰與傾遙知勸影杯共此通夕情今冬有
奇事三見飛玉英明年溪上路誰餉雨中耕

宿野人家

夢裡滄波搖一葉覺來正受肩與兀人家一宿晚可投
新席槁梧香更滑霜前擺稬收百畝稚子新能收鷺鴨
我生本是个中人挾策久矣猶能說

江湖小集
卷一

度石棟嶺

我行欲安道策馬踰山樊谷深不可瞬危磴爭獮獮坡
陀兩山間寂歷三家村茆簷青裙婦蓬髮新烟昏猷冷
那可飲分我一掬溫郎樵晚未歸客至不與言不奉沙
頭卮肯投柳下門作詩配國風行者式其藩

用退之韻賦新霽

春深窈幽步苔上屐痕少新晴一寒衣綠葉藏啼鳥方

塘豔宿漲古鏡窺清曉華顛忽自笑綠羽墮驚矯瞻言
雲中耕繅縹窅眷繞歸把東皋犁此念何日了

送金確然歸弋陽

昔我雲溪居送子雲溪濱重來問何時笑指溪上雲一
別四周星坐此世故紛衰顏兩非昔華髮繁可耘我經
風樹悲終日無一欣子乃水菽憂尚此奔走勤對床語
未終懸知便離分霜風吹客袂別意如絲勞子歸葛陂
上去路接鄉粉歸夢尚隨子何當歎離羣

欽定四庫全書

江湖小集
卷一

十

至日建州會詹士元

嗟予生百憂佳節過倥傯客愁隨綫增歸思與灰動當
年從子日未覺百慮重高堂繞床呼一擲有餘勇那知
客天涯相對寒骨聳歲月曾幾何鬢絲今種種忍饑山
藥煮附煖地爐擁深藏斷還往衰病脫拜拱興言望鄉
關雲物方鬱滯空餘相屬意盃酒久不捧

用前韻答翁子靜

客心既岑寂節物亦倥傯幽籬菊初暗深壑梅已動古

人傲尺璧顧謂寸陰重欲從夫子游掣肘愧不勇松高
節磊砢鶴老格清聲當知山澤臞誰羨將相種一官繫
人間叢書以自擁微言聞緒餘三嘆手輒拱青天本寥
濶不受雲霧滃願言瞻清明茗椀不辭捧

微雨

端居身百憂況乃病貧俱天公頗相哀雨我蔬葑區曉
晴新青勺日薄生意蘇衛生固未必一飽行可圖故園
天一涯茅荆誰為鉏崢嶸歲云晚此念當何如

欽定四庫全書

江湖小集
卷一

十

寄題叔父池亭

一壑久藏勝數椽忽開亭方塘蔭瓦影淨見魴鯉行主
人有嘉招轉枕失高城不知幾搖兀代舟上崢嶸尊酒
酌芳綠園蔬煮柔青翩翩射鴨弓一笑翻綠翎那知海
甌姪斗粟忘歸耕餘生信萍梗歸夢識林垌漲水有回
波故鄉豈無情一醉會有日因之濯塵纓

贈謝彥翔建安人九歲異人與藥至今不食建

安有梅子真升仙處

我本世味薄于田足自營年來荆棘盡稍有梨棗萌但
恐骨相凡未敢希長生陳留達人後未亂犀角盈舊遊
記三山幽夢微九清邇來三十年但覺膏粱腥幽尋飯
綠髓默卧誦黃庭顧我塵土中深慰風心傾仙人吳門
卒解后煩寄聲相期朝金闕鶴馭何時征

考亭陳國器以家釀餉吾友人卓氏表民表以

飲子香味色皆清絕不可名狀因為製名曰

武夷仙露仍賦一首

欽定四庫全書

江湖小集

十三

二年飲水閭中村忽見玉醴傾甕尊涓涓醺醺灌熱腦
耿耿沆瀣明朝曦早塵久漲城市暗渴夢欲挽江湖吞
何人遠致雙鯉信知我來扣羅雀門不須邀月已清絕
尚恐慰齒當微溫要從華池吸真液豈獨玄髮嬌愁根
微茫已識投轄客斌媚似返當釐魂奇功誰續伯倫頌
妙意要與淵明論胃中我自育涇渭筆下君已傾崑崙
詩成寄與約他日飲君與我空瓶盆

久旱新歲乃雨

高田土可麗下田不受犁遺蝗憂掉喙況乃麥未齊亦
子天所憐溝壑忍見擠雨逐新歲來停雲忽淒淒莫辭
三日霖為作一尺泥汪汪既沒膝濫濫仍拍促漸看蓂
莖出笑語喧吟畦我欲與寓目父老同攀躋此身羣萬
生擾擾舞甕難曾亦無幾求脫粟配羹藜永言故隴耕
老眼路淒迷好收飲版手鉏耰歸自攜

春日與卓民表陳國器步出北郊

欽定四庫全書

江湖小集

十三

灼灼桃吐華濯濯柳垂縷芳菲挽人出春力乃如許嗟
予閉門客佳節過不數不因可人呼那得幽步舉客如
山陰勝詩作斜川語誰言一尊酒妙處合千古歸來讀
殘書耿耿霜月苦空餘流落心三嘆非吾土

蔬飯

歲奉嬰兒手筍解籜龍蛇薦羞杞菊間采劂烟雨外嗟
予飯藜藿咽塞舟沂瀨朝來二美兼一飽良已泰充腸
我誠足染指客應嘅平生食肉相蕭瑟何足賴王郎催
牛炙韓老憶鯨鱠俠氣信雄夸戲語亦狡獪我師魯顏

子陋巷翳蓬艾執瓢不可從一取清泉酌

戲贈吳知伯

條侯得劇孟吳楚坐可馘我知無能為失此一敵國偉
哉奇男子俠氣橫八極書生復何者骯髒老筆墨刺口
論安危事往竟何益匹夫嘯空野驚塵一方塞區區空
有意浩蕩洗鋒鏑何如吳王孫語輒面浮赤文游得朱
亥負販鄙膠鬲腰間鐵絲箭上簇紫塞翮一寄百城摧
燕然誓可勒諸公未備知欲薦恨無力明日我過君烹
飲定四庫全書
卷一
十四
牛呼社客當書游俠傳令子姓名白

送僧

空中世界紛河沙不知底處為天涯乾坤百億在指掌
觸處與子同一家云何猶作去來想千里一跌毫厘差
坐令契濶費星紀嶺雲欲寄山川遐撥眉相對此何日
丈室淨掃餘天花詩豪辨古久投閣萬竅寂歷風無譁
為君游戲出三昧妙處那復相聲牙往將妙響應空谷
一任飛錫凌蒼霞

欽定四庫全書

江湖小集
卷一

十五

江湖小集卷一

欽定四庫全書

江湖小集卷二

宋 陳起 編

洪邁野處類稿

書僧房

陸續流泉自成句來擁紅爐聽山雨道人更有深深處
詰曲如珠蟻絲度几硯無塵寒欲霧雕盤篆破孤螢吐
味如嚼蠟那禁咀茶甘未回君莫去

題蘆雁屏

欽定四庫全書

江湖小集
卷二

征鴻坐何事天遣南北飛蕭然如旅人無情自相依孤
葦吹欲折秋風不勝威冥冥一孤鶩空費弋者機寒聲
落烟渚相應不我違嗟我識此情手納空歎歎安知丹
青師落筆乃庶幾畫形孰不工畫意識者稀他時因吾
句購此千金揮

題臨賦軒

蒼山圓岑寂下有一水奔閉戶卧風雨東高蜀雖潘家
哉祇樹人心遠忘世喧此身自蘧廬長物餘此軒鳥語

幽夢斷香橫經帙翻未成借路行自要窺潺湲遠師淵
明意不愧靈徹魂月度了無迹風行偶成痕心境兩清
妙尺喙何由吞賦詩安所取碧雲未足論何當拂朱絲
窈眇絃吾言

答併安江師送米

不見道人久天涯歲云除朝來食指動忽接送米書念
師折脚鐺五合未省餘雖無覆餗禍尚有乞食逋云何
憐孤客日受饑火驅未曾貸監河矧肯索胡奴誰言升

欽定四庫全書

江湖小集
卷二

斗意矯矯超萬丈嗟予事筆耕輕棄南畝鉏恩煩方外
客此計良已疎何時事粗了歸葦五畝居生涯寄綿竹
豈即非良圖不為泉壤蚓願學江湖魚

陳德瑞饋新茶

空山冥冥雲霧窟春風好夢倚殘缸朝來果得故人書
微凸而公犀銙雙貴人爭買百瓔珞此心兒女久已降
坐觀市井起攘袂念之使我心紛龐領君此意九鼎重
雖有筆力安能扛何時來施三昧手慰我渴夢思長江

次韻希且喜雨

驕陽挾酷暑何啻虎而翼高田土可麓況乃耕與殖風
伯真可訟雲合吹復折那知下土民糟粕配橡寔古佛
棲巖隈旱沴豈吾責應緣賢令尹閔雨丐法力積陰暝
山谷流潤淒几格朝來賀客散置酒浣愁疾古詩成雲
外險句動潛蟄旋看蓑笠出競喜溝澮溢謹言令與佛
念我一何悉嗟我困蒿藜最覺民可恤何當問牛喘免
使訴魚失九關虎豹守懷此欲安適誰哉此心同吾飽

欽定四庫全書

江湖小集

三

將何日

古風二首寄汪明道

紫蘭初茁芽深壑終自秀翫骸蕭艾中不采則誰咎兒
曹逐紛華壯士保窮陋應知此調同萬世無先後
俗士白人眼從誰明此心不欲故人見訶我車轍深蕭
然江上廬客卧詩書林得句不相寄誰賞氣駸駸

建安道中

吾生意行初不謀汎汎何啻波中鷗攜家來作閩海夢

三年客食天南甌我先人廬在何許大江之左道阻修
奉新家有手足愛隻身歸掃先梧楸旋當來此營斗粟
南北顛倒無時休此心轉與世事左自作磨螳將誰尤
安知不滿達者笑窮達一戲如觀優咄哉吾語亦已墮
且與造物同浮游

書事呈元聲如愚起莘三兄

隱吏朱墨暇飽眠北窗風時呼方外客避暑酒中寂
寞杜拾遺四壁口不供坐取盤餐疑哀哉豈天窮何如

欽定四庫全書

江湖小集

四

平生友磁鉢間不容每懷千里駕今作五斗蓬吏行散
危驚楸局收驚龍共話十年舊事往如飛蓬浮榮真一
戲何者為窮通應須河漢語淨洗芥蒂胸僕夫適在門
客醉尊亦空更為後日約及此芙蓉紅

寄題起莘家義軒

貞觀盛德後餘慶未渠央舊聞閩海家欲繼燕山芳教
子嗣先訓開軒翼中堂地偏市朝遠几淨書簡香先生
陳太丘飯糜百憂忘弟子真胡羯不聞觸屏僵一變豪

俠窟遂成鄒魯鄉下車里門外他年看諸郎坐上紆素髮說說立冠裳我詩自可絃請以侑壺觴

梅花

山深春未動沙淺水欲冰玉梅於此時靚妝畧無朋露蕊欲的皪月枝挂鬚髯儼如江漢女可愛不可陵他年江南路曉粧犯嚴凝尋香烟雨中橫斜揷芽簷却數今幾日痴如秋後蠅北嶺枝欲空誰與扶一登聊分窺水影依我照字燈坐使惜花夢臨風脚騰騰昔如夢中蝶

欽定四庫全書

江湖小集

五

今學桑下僧了知菩提長念起吾何曾

十一月十九日與仲猷大年綽中美中飲于南

臺

空山欲暝雲冥冥玉梅半開吾眼青此身垂欲走塵土聊復舉酒看崢嶸折腰向人不知恥故園可鉏在千里金昆石友一開眉珍重道人相料理楚江東岸先人廬竹君安否久無書歸歟何時應白首我食吾言如此酒

春社齋禁連雨不止賦呈夢得

歲豐農猶飢歲惡何可說哀哉半菽氓罪歲同一去年來早塵漲臘盡不見雪青皇忽雨我萬頃麥苗活令尹民父母溝壑思手挈祈年拔齋居有酒不忍設那知桃李徑狼藉香泥滑芳意一如此坐恐及鷄鵲郊原佇開晴出勞南畝饁秋成已在眼一醉宇宙豁更呼湔裙人勸此側帽客和公斜川詩磨石鏡歲月

次韻夢得見示長篇

欽定四庫全書

江湖小集

六

雄馴不因媒鳩煖自呼婦詩成桃李陰知是霹靂手簿書我亦厭丘壑渠自有却憐支離疏飽食得薪樵俗夫嘗世味甘苦半噦嘔知公超然處心迹兩無垢愁陰老芳物蟲鳥故相誘浪蕒費收拾柔條可給揉豈無我輩人一醉開笑口那知市門底客倦枕兩肘眼高可人稀命蹇亨運偶平生願執鞭見惠予小友細觀愷悌心宜在帝左右却來塵埃中寂寞對五柳殷音藏鵲羽正待荆雞剖學政容窺譜問字當載酒虛名翻悞夢恐坐其與斗言詩終不稱永愧賦瓊玖